

Visoki predstavnik uputio čestitke Komisiji za reformu odbrane

Visoki predstavnik Paddy Ashdown uputio je čestitke članovima Komisije za reformu odbrane nakon postizanja dogovora o preporukama u vezi Nacrta Zakona o odbrani BiH.

Članovi komisije kojom predsjedava američki stručnjak James Locher su sinoć potpisali dokumenat u kojem su sadržane preporuke.

“Provedba ovih preporuka će ovu zemlju učiniti vjerodostojnim kandidatom za članstvo u programu NATO-a Partnerstvo za mir,” rekao je visoki predstavnik. “Komisija je, pod izvrsnim vođstvom predsjedavajućeg Jima Lochera III, više od tri mjeseca profesionalno i predano radila s ciljem da izradi dokumenat od dugoročne važnosti. Otvaranjem puta integraciji u NATO, članovi Komisije su započeli proces koji građanima ove zemlje pruža najbolje izgleda da će u ovoj zemlji zavladatai trajan mir i stabilnost.”

Visoki predstavnik je također odao priznanje političkim liderima u BiH koji su pružili podršku ovom procesu i dali značajan doprinos u nekoliko proteklih dana.

“Pokazali su kako shvataju da je praksa postizanja kompromisa jedini put napretka za ovu zemlju,” rekao je.

Visoki predstavnik se također zahvalio ambasadama, naročito italijanskom Predsjedništvu Evropske Unije, za napore koje su uložili zajedno sa Uredom visokog predstavnika kako bi pomogli da Komisija uspješno završi svoj posao.